

գտանէ կամ զտեղն ցուցանէ և կամ ըմբռնեալ բերցէ, թէ խազահուծիւն կամ յէնկիչէրուծիւն, եւ Ռ զուռուչի զիամէթ և այլ ինչ որ խնդրէ ի թագաւորէն՝ առնու: Անյապազ որոնելով յամենայն տեղիս յուզեալք ի թագաւորէն և ի զօրացն, և թագաւորն ևս վրէժխնդիր եղև վասն նոցա: Եւ ի զիշերիս յայսմ որ Դշի լուսանայր՝ զՍալիճչի օղլին եւս սպանեցին ի յէտիզուլան և անդ ձգեցին Գ օր, որ ուռաւ և հտտեցաւ և ապա հրաման տվին վերացնելոյ. ժ աւուր մանզուլ եղած էր տէֆտէրտարուծենէ:

Եւ առաւօտուս Դշի օր (27 Փեփր.) դաս ասաց Ե զիսպար վարդապետն ի Սուրբ Նիկողոս:

Եւ մուսնետիկն ազաղակեաց յամենայն տեղիս թէ Բացվի՛ չարսուն և խանուծքն. և բացաւ օրս և չընչինս եւս գնացի ի խանուծ, եւ հանդիպայ ի ճանապարհին զօրագլխացն այնոցիկ որ այսքան օրս խօսակցէին առ թագաւորն ԺԲ և ԺԴ արք, որ արարին զայս յըսպահոցն, եւ գլուխ սոցա Շամլը Հասան աղա եւ Մէհէմէտ աղա. ամենքեան սոքա ի թագաւորէն կապայ ըզգեցեալ եւ անցեալ գնացին: Յետ Բ ժամու նստեալ կայաք ի խանուծ և տեսաք զի հասասպաշին և սուպաշին ըմբռնեալ են զՄուլքի խաթունն ի պարտէզ իւր Դ ծառայիւք միայն և բերեալ ի բանտն խեղդամահ արարեալ և եղեալ ի վերայ ձիոյ մի և ձգեալ ի վերայ կարպետ և առեալ տանէին ի կախել ի ծառն յայն, յորում գնոսա կախեալ էին մօտ ի չառուչպաշին, եղեալ ի ճուղալի մէջ մինչև ի մէջքն, և միջացն կախեցին՝ ի միջացն ի վեր բաց: Եւ արդ զի^նչ ասասցուք, քանզի սոքա էին փոխող վէզիրին և աղային, տէֆտէրտարին և ըռէլիզին և պէկլէրպէկոցն և այլն ըստ կարգի նոցա. և փաշայուծիւն գրսի երկրին և պարոնուծիւն՝ սոցա ձեռամբն լինէր. և վէզիրն թէ տար ումեք մանսուպ և գնէր պէկլէրպէկի,